

Transkription von Urkunde SWN 1331b

Ort, Datierung: Schwerin, 1331-05-06

Signatur: Landeshauptarchiv Schwerin, Rep. 1, Hausverträge 35

Inhalt: Nicolaus tu Zwerin: Schenkungsurkunde

In godes namen . amen . Wi Nicolaus van der gnade godes junche(re) vn(de) Greue / thō Zwerin ,
bekennen oppenbare vn(de) betughen , vn(de) dōn witlich alle cristenen / lvdē , de dessen
jeghenwardeghen breif leesen , horen , edder seen , Dat wi / mit beradenen mode , vn(de) mit
gantzeme volborde vnser Erven , hebben , / vnseme leven vedde(re)n Greue Hinr(icke) van Zwerin . dor
got . vn(de) dor vnser elderen / vn(de) vnser eghenen sele willen , ghelaten . vn(de) latet al den
Eghendōm over dat / dorp dat de lemcule is gheheten , mit aller vriheyt also vnse Elde(re)n , vn(de) wi
. ith / beseten hebben bette an dessen dach vn(de) ith vns gheervet is , vn(de) also ith binnen / alle
siner scheyde ghelicht vn(de) geleghen heft . mit holte . mit wate(re) . mit weyde , / mit ackere buwet .
vn(de) vnghebuwet . mit deniste . mit bedē . mit aller vrucht / vn(de) nūt , ane dat overste richte
alleyne , Dat wi vn(de) vnse erven dat moghen losen / vor also dane penninghe , dar wi dat beschedene
richte vnseme vedderen vore / hebben ghesetteth , Dit vorsprokene dorp vn(de) gūt , schal ok vnse
vedde(re) ane jene=/gher hande wedersprake , edder hindernisse , vnser , edder vnser erfnamen ,
gheleyg=/ghen thō eyner vicarie . de he nū an de ere godes maken wil , Thughe desser / Dinghe . sint .
her Hinr(ick) Rauen . her Gherard van zulowe riddere , Henneke van / zulowe , Hinr(ick)
Rosenhaghen . vn(de) Martin(us) vnse scriver , vnde thō eyner grotteren / orcunde alle desser dinghe
vn(de) stedicheyt , so hebbe wi vnse ingheseghel henget / thō desme breue , De is gegheven vn(de)
screuen thō Zwerin , na godes bort / Dusent jar . drehundert . an dem en vn druýttegesten jare . in
deme heyli[ghen] [...] ¹ /

¹ Urkundenrand umgeschlagen, Schrift verdeckt